

A Motibunan pa duna danki (gratitut) i hasi orashon den e karta na e Filipensenan::

❖ Motibunan pa ta gradesido (Filipensenan 1:3-8)

- Pablo ta kuminsa su karta dor di gradisi Dios pa e kreyentenan na Filipos (Fil. 1:3), kendenan el a stima tiernamente (Fil. 1:8).
- Meskos ku e sumosaserdote a bisti riba su pechero, banda di su kurason, e nòmbernan di e tribunanan di Israel grabá riba piedranan presioso ora ku él a para dilanti di Dios, Pablo a karga “ den su kurason ” kada miembro di e iglesia ora el a para dilanti di Dios den orashon pa intersedé pa nan (Fil. 1:7).
- Su gratitut a inkluí e hecho ku e Filipensenan a keda fiel na e evangelio, i ku Dios tabata perfekshoná nan tur dia (Fil. 1:5-6).
- E di tres motibu pa gratitut tabata ku e Filipensenan a kompartí kune “ den mi lasonan(prizon), i den e defensa i konfirmashon di e evangelio ” (Fil. 1:7).

❖ Petishonnan di orashon (Filipensenan 1:9-11)

- Nos lo por konsiderá Pablo su motivashon di orashon komo un “ motibu kadená ” (Fil. 1:9-11 NIV):
 - (1) Ku amor por abundá den boso.
 - (2) E lo hasi boso mas sabí.
 - (3) Boso lo deserní e mihó.
 - (4) Boso lo deserní e mihó.
 - (5) Boso lo pari fruta dor di Hesus Kristu.
 - (6) Esaki lo resultá den gloria i alabansa pa Dios.
- Kon nos amor lo por “ abundá ainda mas i mas ”? Pakiko esei ta asina importante pa e bida Kristian?

B Duna danki i hasiendo orashon den tempunan difisil(Filipensenan 1:12-18)

- ❖ Ora ku e Filipensenan a siña ku Pablo a wòrdu enkarselá na Roma, nan a wòrdu aflihi grandemente, i nan a manda Epafrodito ku yudansa pa e apòstel (Fil. 4:18).
- ❖ Leu for di ta afligí, Pablo a duna danki na Dios pa su enkarselamentu. Pakiko duna danki? Pasombra di e manera aki é tabata kapas pa prediká na esun ku, di otro manera, é nunca lo por a alkansá (Fil. 1:13).
- ❖ Ademas, mirando e apòstel su aktitut, otro rumannan hòmber fiel a wòrdu enkurashá, i a kuminsá prediká e evangelio apeser di e difikultatnan envolví (Fil. 1:14).
- ❖ Otronan, pensando ku papiando abiertamente tokante di e evangelio lo trese difikultatnan pa Pablo, tambe a yuda – no intenshonalmente – pa plama esaki (Fil. 1:15-18).

C Motibunan pa duna danki i hasi orashon den e karta na e Kolosensenan:

❖ Motibunan pa ta gradesido (Kolosensenan 1:3-8)

- Resonando e palabranan di 1 Korintionan 13:13, Pablo ta gradisi Dios pasombra e Kolosensenan tin e tres birtutnan Kristian aki: fe, speransa, i amor (Kol. 1:4-5).
- E birtutnan aki a lanta “ den Kristu Hesus ”, afektá nos relashonnan ku “ tur e santunan ”, i a wòrdu transmití na nos dor di “ e palabra berdadero di e evangelio ”.
- Pablo ta enfatisá ku e evangelio aki no a wòrdu prediká solamente na e Kolosensenan, pero “ dor di henter e mundu ” (Kol. 1:6)... i den apenas 30 aña!
- E poder di Dios, kual ta wòrdu transmití dor di e evangelio pa medio di e trabou di e Spiritu Santu, ta hasi e Beibel “ e palabra di bida ” (Fil. 2:16). Esaki ta nifiká ku, dor di aseptá e evangelio, nos tin bida etèrno i un herensia “ wardá pa boso den shelu ” (Kol. 1:5).

❖ Petishonnan di orashon (Kolosensenan 1:9-12)

- Pablo su petishon di orashon ta inkluí hopi kosnan bon pa e Kolosensenan (Kol. 1:9-11):
 - (1) Ku nan lo por risibi e konosementu di Dios, kual lo duna nan sabiduria i komprendementu spiritual.
 - (2) Biba manera yiunan di Dios, agradando É den tur manera.
 - (3) Ku nan lo por karga fruta i krese den konosementu.
 - (4) Ku nan lo por wòrdu fortalecé ku Dios Su poder asina ku nan lo por ta pasiente.
- E orashon aki ta wòrdu hasí “ dunando gradisimentu gososo na e Tata ” (Kol. 1:12).
- Tin kuater kanalnan dor di kual Dios ta aktua pa hasi Pablo su orashon un realidat den nos:
 - (1) E Beibel (Salmo 119:105)
 - (2) E spiritu di profesia (Rev. 19:10), manifestá dor di Ellen G. White
 - (3) Dios Su guiansa providensial (Kol. 4:3)
 - (4) E Spiritu Santu (Isa. 30:21)